

Broj: 02-958-10/17

Datum: 18.01.2018.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14), (u daljem tekstu: Zakon) člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa članom 45. Statuta Javne zdravstvene ustanove Univerzitetski klinički centar Tuzla (prečišćeni tekst), u vezi sa zapisnikom o pregledu i ocjeni ponuda broj: 02-958-8/17 od 18.01.2018.godine, (u daljem tekstu: zapisnik) u otvorenom postupku javne nabavke roba - “nabavka medicinske opreme”, objavljen na portalu javnih nabavki pod brojem: 867-1-1-156-3-134/17 od 08.11.2017.godine, na preporuku komisije za javne nabavke, Direktor je donio

ODLUKU

o izboru najpovoljnijih ponuđača

I

Prihvata se preporuka komisije za javne nabavke i Ugovori za javnu nabavku roba - “nabavka medicinske opreme”, dodjeljuju se ponuđačima kako slijedi:

1. **“Tuzla-farm” doo Tuzla** za **LOT-ove 1 i 3** koji je dostavio ponudu u ukupnom iznosu od 3.687.950,00 KM bez PDV-a, odnosno 4.314.901,50 KM sa uračunatim PDV-om.
2. **“Apomedical” doo Sarajevo** za **lot 2** koji je dostavio ponudu u ukupnom iznosu od 1.539.000,00 KM bez PDV-a, odnosno 1.800.630,00 KM sa uračunatim PDV-om.

II

Prijedlog Ugovora dostavit će se na potpis izabranim ponuđačima iz tačke I ove odluke po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

III

Ova odluka će se objaviti na web-stranici www.ukctuzla.ba, istovremeno sa upućivanjem ponuđačima koji su učestvovali u postupku javne nabavke u skladu sa članom 71. stav 6. Zakona.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

O b r a z l o ž e n j e

Postupak javne nabavke roba “nabavka medicinske opreme”, pokrenut je Odlukom o pokretanju postupka javne nabavke broj: 02-958-1/17 od 06.09.2017.godine, putem otvorenog postupka objavljenog na portalu javnih nabavki pod brojem: 867-1-1-156-3-134/17 od 08.11.2017.godine.

U ostavljenom roku ponude je dostavilo ukupno 2 (dva) ponuđača.

1. “Tuzla-farm” doo Tuzla
2. “Apomedical” doo Sarajevo

Nakon javnog otvaranja ponuda Komisija za javne nabavke je izvršila pregled dostavljenih ponuda te utvrdila da su ponude ponuđača kvalifikovane te da su ponuđači dostavili sve dokaze zahtijevane tenderskom dokumentacijom zbog čega su ocijenjeni kao kvalifikovani za daljnje učešće u postupku.

U predmetnom postupku Ugovorni organ je također imenovao i stručna lica sa zadatkom da učestvuju u radu komisije za javne nabavke i koja će davati stručna, specifična, tehnička i specijalizirana znanja koja nisu dostupna članovima komisije za javne nabavke. Stručna lica su u pisanoj formi dostavila svoja mišljenja komisiji pri čemu su konstatovali da ponude po tehničkim karakteristikama ispunjavaju uslove iz tehničkih specifikacija tenderske dokumentacije.

Komisija je u nastavku izvršila ocjenu prihvatljivih ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, nakon čega je dala preporuku kako je decidno navedeno u zapisniku o pregledu i ocjeni ponuda broj: 02-958-8/17 od 18.01.2018.godine. Prema preporuci komisije, ponuda ponuđača "Tuzla-farm" doo Tuzla je kao najpovoljnija izabrana za lotove 1 i 3, dok je ponuda ponuđača "Apomedical" doo Sarajevo izabrana kao najpovoljnija za lot 2. Razlog za izbor ponuđača sadržan je u činjenici da su izabrani ponuđači dostavili prihvatljive ponude koje su primjenom člana 64. stav 1 tačka b) ocijenjene kao najpovoljnije. Iz zapisnika je utvrđeno da je Komisija za javne nabavke pravilno izvršila ocjenu prispjelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom.

Shodno naprijed navedenom a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.



DIREKTOR
Doc.dr.med.sci. Nešad Hotić

Dostaviti:

1 x Ponuđačima

1 x Komisiji za nabavke

1 x a/a